


桂林風景史畧



桂林國文印務局代印

王永祚五十八
桂林

MG


K928.706.73

1

(誌附洞風)山綵疊 (一)



疊綵山峙柱城東北隅其
 前爲公醫院柱山書院之
 故址左爲通信兵團部昔
 時定粵禪林秀峯書院逸
 業堂育才館法專學校民
 團指揮部皆位於是滄桑
 幾易矣團部後有味易巖
 清太史秀峯院長曹謹堂
 所鑿也曹號味易山人云
 巖與山連山後爲北關洞
 豁然虛朗中刻佛像及前



3 1772 1619 3


15148

桂林風景

二

賢題記甚多每盛夏時清風徐來飄飄蕩滌故名風洞洞左爲白鶴洞對望則處山南薰亭隱約見焉遠眺堯山烟嵐迴合灘水濛洞環城如帶皆洞之外景也然洞之中又有洞焉由石佛臥隅徇僕穴行中有石室涼飈襲人宜讀書宜奕棋宜飲酒宜焚香靜坐鐘乳墜垂天光一線盤旋鬱紆循別徑而出則在山之頂矣是爲太極洞眞晝境也詩境也禪境也山之前面爲景風閣憑牕四望全城在目湖光山色拱揖几案間壁間鐫清賢題詠琅然可誦名多難以縷指亭臺數座前後錯列曰福亭曰一拳亭曰所憩亭曰文昌閣曰佛殿曰僧寮洞天福地游屐至此頓覺生面別開山門巋然一碑署江陵張忠烈常熟瞿忠宣二公成仁處前明忠臣張經畧同儔瞿留守大學士式耜擁立永明王殉節桂城梁芷隣中丞爲立石紀念民族英雄今古同光眞足爲桂林山水生色矣

(誌附亭燕南洞音韶)山虞 (二)



出桂城北行數里重巖上
盤青嶂倒列灘水環其左
皇澤灣其後有洞曰韶音
水石清漪山高洞深涼風
颯然前掠松林後挽溪壑
鳥嚶樵唱衆竈杳來笙鏞
璆石如奏有韶於是山之
下史稱舜南巡狩崩蒼梧
之野二妃殉焉其實桂林
置郡始於秦舜跡未嘗至
桂也桂處南荒先民崇德

而宗聖因於洞之南麓祀有虞氏古木青蒼廟貌巍然故號是山爲虞山
山左側臨澗處枕麓特高上有亭曰南薰倚檻東眺堯山積翠與波澹蕩
春夏之交棗花黃時平曠萬頃一望無際登臨覽勝儼如化身黃金世界
中斯則南薰亭之大觀也磨崖鐫碑宋儒張祚作韶音洞記爲金石
考古家之所跡覽茲錄宋賢方信孺韶音洞刻古相思曲以導游蹤其詞
曰

西風攪桂樹落日明楓林游子懷歸期餘悲渺登臨虞山一何高湘水
一何深英皇僅古塚寂寞蕤兮琴我欲奏古曲俗耳便窪淫古器不可
見聊作相思吟相思長相思相思無古今一歌衆鳥聽再歌萬巖暗推
手君勿歌有酒且孤斟落落此時意寥寥千載心五絃毋庸絕四海誰

知音

(三) 中山公園(獨秀峯附誌)

中山公園位於桂城中央前明靖江藩邸清貢院前面師範高中今
建省政府總司令部孫總理北伐經桂林駐蹕獨秀峯前都人士於



山麓建塔紀念
並闢公園中爲
仰止亭譚組庵
先生柄政國府
時捐資所建亭
之四周竹籬花
架景物幽絕循
欄曲折入爲清

撫梁芷隣太史舊建五詠堂故址五詠堂者以堂碑舊刻山谷手書
五君詠得名今原碑存桂城勞公祠而芷隣像尙存公園內由五詠

堂左折而前爲中山堂中懸中山總理遺像老梅數株盆花白本清芬繞
徇秀峯排闥仰瞻國父令人高山景行之思出中山堂亭台參差園花
錯落縱橫數百武綠草如茵虬枝夾道獨秀峯巍然在目矣峯下有讀書
巖岩後通池小橋臨水口平臺池水漣漪衆卉芬芳游屐多憩於是六
朝劉宋時詩人顏延之官始安太守嘗構宅獨秀峯下今讀書岩顏公遺
蹟也鳥道摩空盤紆而上二道二百六十有餘級登峯造極危亭數座萬
山環拱故以獨秀名險甚游者鮮能登焉磨崖書綵袍金帶介然獨立南
天一柱俱蒼勁可觀故亦名紫金山峯之北麓新建礪俗亭今國民政府
廣西省政府褒揚壽母葉盧氏忠孝節義以礪俗也亭中鐫刻當代名人
題聯邑紳石孟涵作壽母傳備鏞作礪俗亭記今俱鐫於峯麓

山牙月 (四)



循灘江而東渡浮橋爲水
東洲更前行墻門板石署
曰芙蓉萬仞花橋在焉市
聲匝地綠雲倚天桂林名
勝之一也行約里許石巔
一峯端直峭拔若劍狀目
爲劍山山腰石室寬平磴
道數十級崖石半懸形如
初月故名月牙山山前有
潭沿山磴道通龍隱巖山
之勝在沿溪一帶石磴曲

折近水遠山全城在目梵音起處蘭若峙焉怪石嶙嶙樓閣參差環灘江
瞰桂垣登臨四望令人神遠有名之閣凡三曰倚虹樓曰叢桂樓曰襟江
樓桂撫張聯桂邑紳王壽齡石寶恆題額明儒周進隆紀月牙山詩云翠
微峭拔倚天表半輪日照桂江小巖頭春鳥棲高枝一聲啼破千山曉

(誌附洞隱龍) 隱龍 (五)

桂林溪山之勝龍隱稱奇巖之上有狄武農公平蠻碑巋然江濱
岑別解想見先代民族英雄尙武之精神泛舟石壁下有洞門高




可百丈跋涉而
入仰觀洞頂石
縫裂處龍跡天
矯其長竟洞故
名龍隱或傳龍
去影存故又名
龍影穴行一箭
許別有洞門可

出巖在洞側山半有小寺依巖佛堂磨崖鋪元祐黨籍碑舊建釋
迦寺兩華堂兩旁懸環奉閣膠壁以宋范石湖之所建也石湖曾作

驂鸞記云閣廢後更建怡雲亭時歷千載亭寺廢圯久矣而江山之勝依然洞之外清流激湍麥畦菜圃綠雲連天樵漁互答人巖則丹曜滅燄玄壑生涼泉飛石隙乳可烹茶太白詩云桃花流水杳然去別有天地非人間斯巖似之宋人游跡最盛鐫題之衆環壁幾無完石治平熙甯元豐紹聖崇甯大觀建炎煚熙嘉定以來余靖李師中張覲苗時中曾布劉宗傑虛約胡宗同譚揆王祖道方信孺孫師聖等均題名難以縷指唐賢張潛及宋賢米芾程節朱煥章章峴李師中許子紹張田朱晞顏張叔信王正功方信孺張釜俱有游龍隱巖詩刻於石覽勝摩娑是有待於後之好游者


普陀山 (六)



灘江之東有花橋焉過橋
折而北行有石門署曰嶺
南大觀行數十武抵普陀
山山在棲霞洞之左元風
洞之右其洞橫通棲霞平
崖積翠中建佛刹下臨清
溪古木遮崖寒菜連畦蟬
聲砧韻風景幽絕山門一
聯草書山居得月門近栖
霞八子入門一崇閣聳出
雲表俯瞰城內外再進則

一席廳題聯云開軒延疊嶂憩石挹飛泉殊見此山之勝矣中爲叢翠堂
挹秀軒後爲壽佛洞巖壑幽寂小軒數楹古招提也唐時爲棲霞寺元改
建全真觀以斯山昔祀觀音故今名普陀山云左折有亭永泉出焉巨崖
當關尙樓行山腰轉處涼氣襲人崇樓傑構曰霞飛閣曰披雲閣迴環曲
折聳翠流丹外矚平疇大野如在掌中真別有天地矣前任省長廣西大
學校長馬君武博士有楹聯云城東佳境時繞夢魂嘆半世飄零遂與名
山成久別嶺表舊邦飽經憂患願後生英俊共籌良策致昇平亦紀實也

(誌附寺霞棲)巖星七 (七)



出桂城東渡灘江行二里
許七峯駢列如北斗此七
星山也山左爲棲霞寺相
傳明末有一逸老抗清逃
禪法號渾融卓錫於此瞿
忠宣張忠烈殉國時挺身
出爲收骨渾融遺蛻亦瘞
山前平莽中陳文簡公侍
女紅玉墓亦在焉墓側產
茶數株味佳極難得世稱
紅玉茶寺前復有辛亥革

命義士田遇東慕美人名士與高僧並千古矣清巡撫陳元龍於巖前建
棲霞書院今寺存而書院圯寺後有聖虛亭其前爲聽月亭崖間鑄唐宋
以來名賢詩題甚多有石洞在山半腹入石門下行數十級得石室可坐
百餘人洞口鐘乳懸如碧玉壺匪圓匪方如日落波心動盪成質從洞門
入石索懸錦若鯉魚躍於雲際左有不樓唐開元時祀玄元老君於此旁
有兩路列炬方入一路西行兩壁石筍成林玉液凝柱巖高數十丈穴闢
亦三四丈如行通衢中頓足曳杖鏗然有聲如鼓鐘然蓋洞之下又有洞
焉半里遇大壑不可進歧路有歧游屐迷矣縣志載唐代乾寧中臨賀令
鄭冠卿曾遇日華月華二仙於是今寺門鐫聯云七曜靈光寄蒼玉二華
仙跡留丹崖卽指此也又一路北行俯僂而入數步則寬廣兩旁十許丈
稍進穴道益曲狹左巨壑右深潭游者須秉燭魚貫進曰飛龍潭曰摩天

嶺曰瀨止潭皆險地也捫壁蛇行數十步輒見石門石楹黝然深黑目力不能窮鐘乳下垂巒巒高或十尋闊或百尺燭之別旁列萬狀導者一一指曰此爲象則捲鼻而臥此爲獅則抱毬而弄此爲駱駝則長頸而鞍背此爲湘山佛則合掌而趺跏此爲布袋和尚則開口而胡盧其他如蓮如蓋如牀如几如晒網如奕棋如魚如鳥如佛手足窮形盡相懾魂駭目穴行數里東向見天光一線突抵洞口出巒之背矣其下爲慶林觀范石湖桂海虞衡志記之審矣世稱桂林山水甲天下烏知桂林巖洞之奇更甲天下也噫

山堯（八）



桂林諸山多嶽奇險峭惟堯山獨偉大磅礴蓋遠接越城嶺之主脈也山界桂林靈川興安數縣盤紆亘百數十里後漢書郡國志注稱此爲遼山山在桂城外東北十餘里隔灕江與舜祠相望故又名堯山山有堯廟相傳秦時建圯廢久矣都人士於山半改建茅庵沿山上下松篁夾道

幽磔鳴禽溪流潏潏層巒聳翠每春夏時野芳發而幽香佳木秀而繁陰
老壯婦稚踏青覽勝或結綱連騎或携壺把袂披蒙茸登絕頂群峯俯仰
江水灤澗羅列拱揖襟袖間昔人詩稱振衣千仞岡濯足萬里流無逾此
樂矣至若金飈送爽玉露凝寒則黃葉滿山丹楓映日當朔風四捲之候
正飛花六出之時層冰積澗寒澌斷流近水遠山一白無際極目遠眺恍
若置身瓊樓玉宇中舊志所稱堯山冬雪尤奇景也山上有田十餘頃俗
稱天賜田山陰爲白鹿禪師卓錫地漢志注稱駁樂山後人改稱白鹿山
又名福祿山白鹿禪師者唐玄宗時高僧曾奉勅旨歸隱於此山蓋在堯
山陰矣山之陽有故雲貴總督襄勤公岑毓英墓其下則有明靖江諸王
墓明賢嚴震直詠堯山詩云 朔風從天來吹墮遙空雪灑向堯山頂相
看最奇絕銀河高挿玉芙蓉上界紆開白銀闕安南驛騎如星馳正是天
寒歲暮時明朝卻過桂陽嶺一路瓊花襯馬蹄

▲附桂林地方名人史畧(已故者錄)

(唐)趙觀文 唐狀元文學冠天下仕宦以直聲著

(唐)曹 唐 號堯賓唐進士以詩名尤精於道術

(宋)劉仲遠 南七真之一隱居劉仙岩號白龍道人與張紫陽同時道經稱劉永年

(明)呂調陽 號和卿明榜眼禮部尙書建極殿大學士與張居止同登相以侍講筵著

鑑圖說

(清)陳宏謀 字汝咨別號榕門清御史乾隆朝歷官布政使巡撫總督兵部吏部工部尙

書東閣大學士太子太傅於吏治外兼究史學理學文學著培遠堂集二十

一史約編五種遺規名臣兼理學大儒

唐景崧 號薇卿原籍灌陽晚居桂林清翰林嘗參與中法戰爭官臺灣巡撫甲午清

割臺灣於日本宣布獨立任臺灣大總統歸隱後主講體用學堂提倡歐學

開廣西新文化之先河

陸繼昌

號逆史清解元會元狀元歷官江西按察使山西直隸甘肅江寧布政使署
江西巡撫

岑春煒

原籍西林少時久居桂林歷任陝西山西廣東各省巡撫四川兩廣各省總
督郵傳都尙書討袁軍都司令軍政府主席總裁

周德潤

號生霖清翰林歷官內閣學士禮部刑部侍郎奉命赴滇辦理中越勘界收
回失地數百里

呂 燾

號克昌清進士官禮部侍郎都察院左副都御史著雙桂軒集

龍吟瑞

字振五又號翰臣清狀元提督湖北江西學政官至布政使於桐城派古文
學經學音韻學均能淹貫精通著有經德堂集古韻通說經籍舉要

唐 崇

號春卿原籍灌陽家住桂林清翰林官學部尙書長於史學著有唐書經註
筵講稿

朱 琦

號伯韓清御史稱直臣同治時守杭州殉節爲桐城派古文家著怡志堂集

張建勳

號季端清狀元歷任主考學政官至黑龍江提學使兼民政使著有愉毅時

桂林風景史畧

草

劉福姚

號伯崇清狀元歷官貴州高南廣東主考

于建章

清同治乙丑榜眼提學山東山西主考甘州以文學知名

曹馴

號露堂翰清林主講秀峯書院遜業堂育才館數十年精研羣籍著有文廟

禮樂輯要

朱桓

號海谷清御史歷官福建廣東鹽道書法最知名著古槐廬文稿

石成峯

號子_紅清翰林主講宣成書院桂山書院三十餘年造士最多生平專講

明理學

周璜

號澗卿清翰林主講桂山書院多年

劉名譽

號嘉澍清翰林河南主考桂山中學校長北京民國大學教授著有四書翼

註

况澍

號雨人清翰林協修康熙字典著有東齋詩鈔

况澄

號少吳清翰林官御史最有聲由給事中升河南按察使長於考據詞章著

西舍詩文集

况周儀

號寒笙官內閣中書舉人清代詞學大家名滿大江南北著有蕙風詞話蕙

風叢書

王恩祥

號芷庭道光翰林主講桂山秀峯榕湖三書院造士最多

靳邦慶

號廸臣清咸豐翰林主講桂山書院

王鵬運

號幼霞由舉人歷升內閣侍讀監察御史禮科給事中直聲震朝野清代詞

學大家校刻前賢詞數十種著半塘詞選

李天佐

號惠生日本醫科大學畢業著有動植礦物學算術代數教科書及科學概

論

張其鏗

號子武又號嵩叟清舉人湖南武軍統領直魯豫巡閱使署秘書長廣西省

長

黃泌

字霞君清舉人主講宣成書院廣西大學堂生平好士長於史學

張仁普

號仁珊清舉人北京法律學堂畢業歷任廣西司法司雲南廣東福建湖北

高等審判廳長

朱倫

號丹山工畫道釋人物山水花禽與羅存理齊名

石成瑞

號子靜清舉人書兼顏柳畫法以山水知名

謝啟發

號醒公清舉人畫工山水

石寶恆

號貞吾小楷工歐趙榜書法柳公權並工畫山水花草

馬雲谷

善畫竹尤工隸書清名士

紅玉

陳文簡公侍女能詩墓葬普陀山下

盧壽母

氏生長桂林適東莞葉氏節孝爲近代冠壽至期頤國民政府鑒廣西省政

府特予褒揚今獨秀峯麓特爲建彌俗亭

何蓮因

字慧生近代女詞人龍狀元啓瑞之夫人著有梅神吟館詩草

桂林石孟編

#6
106013

6

60/3

(1)